

cois aux quelz appartient l'Eglise.

S. Quirico est tiltre de Cardinal, proche a la Tour de Conti. la station y est le Mardy d'après le cinquiesme Dimanche de Quaresme.

S. Susanne est tiltre de Cardinal, & monastere de Religieuses de l'ordre de s. Bernard, au mont Cauallo. Les stations sont en ladicte Eglise le Sabmedy d'après le troiesme Dimanche de Quaresme. En icelle sont les corps de s. Susanne, Sabin son pere, Felice sa soeur, du bois de la s. Croix, du Sepulche de Nostre Seigneur, de la robe, & des cheueux de la Vierge Marie, & des Reliques de s. Luc, s. Thomas, s. Laurens, s. Marcel, s. Simon, s. Syuelstre, s. Boniface, s. Clement, s. Anthoine Abbè, s. Leon, s. Blaise, s. Saturnin, s. Agapitus, s. Linus, s. Lucianus, s. Chrisante, s. Daria, s. Protus, s. Hyacinthe, s. Vital, s. Estienne Pape, s. Gregoire de Nazianze, s. Catherine, s. Dalmatius, & beaucoup d'autres. elle a esté nouvellement restauree en grande splendeur, & avec grands fraiz par le Cardinal Rusticuccius.

S. Vital, est tiltre de Cardinal, & demeure de peres Iesuites, qui y font leur Nouitiat aux pieds du mont Cauallo; elle fut restauree par Sixte IV. ayant esté ruinee, & nouvellement, a esté adornee de tresbelles peintures: la station y est le Vendredy d'après le second Dimanche de Quaresme.

S. Constance, est hors la porte de s. Agnese, maintenant dicte porta Pia, au temple mesme, ou anciennement Bacchus estoit adorè, qu'Alexandre IV. dedia a s. Constance Vierge fille de Constantin le Grand, laquelle y est ensepuelie en vn tresbeau sepulchre de porphyre: & aussy au mesme lieu est l'Eglise de s. Agnese, que ladicte s. Constance luy dedia, pour auoir esté deliuree par elle de la lepre, les portes en sôt d'airain. En icelle est vn anneau que luy manda s. Agnes. Les Religieux de s. Pierre in Vincula la tiennent. Et là sont les agneaux, de la laine desquelz on faiët le pallium pour les Archeuesques.

S. Marie de gli Angeli le cinquiesme iour d'Aoust 1561. Pie IV. consacra a l'honneur de Nostre dame de gli Angeli l'esmerueillable bastiment des Termes de l'Empereur Diocletian sur le mont Quirinal, dict a present monte Cauallo, & par vniuersel consentement du peuple Romain le donna aux Chartreux, lesquelz au parauant habitoient a s. Croix en Hierusalem, & conceda a ladicte Eglise les mesmes priuileges, stations, & Indulgences, dont iouist s. Croix, donnant au surplus Indulgence pleniere

a tous